

DE
VITA ET MERITIS
PETRI BRAHE

COMITIS DE VISINGSBORG, LIBERI BARONIS DE CAJANA, DOMINI
DE RYDBOHOLM, LINDHOLMEN, BRAHELINNA ET BOGESUND,
REGNI SVECIAE ARCHIDAPIFERI ET SENATORIS, SUPREMI DICA-
STERII REGII HOLMENSIS PRÆSIDIS, GENERALIS FENNIAE, ALAN-
DIAE ATQUE OSTROBOTHNIAE GUBERNATORIS, ACADEMLÆ ABOËN-
SIS CANCELLARII, ATQUE WESTMANNIAE, REGIONIS MON-
TANÆ DALECARLIÆQUE LEGIFERI,

DISSERTATIO ACADEMICA

CUJUS PARTEM PRIMAM

CONSENSU AMPLISS. FACULT. PHILOS. ABOËNSIS

PUBLICO MODESTE SUBJICIUNT EXAMINI

BENEDICTUS JACOBUS IGNATIUS,
Philosophiae Magister Et ad Biblioth. Imper. Acad. Amanuensis
Extraordinarius,

ET

ANDREAS WILHELMUS MENNANDER,
Stipendiarii Publici, Aboënses.

In Auditorio Philosoph. die XII Junii MDCCCXVI.

h. a. m. s.

Quique sui memores alios fecere merendo,
 VIRG.

ABOË, Typis FRENCKELLIANIS.



Sane multum illi egerunt, qui ante
nos fuerunt, sed non peregerunt;
multum adhuc restat operis, multum-
que restabit, nec ulli nato post mille
secula præcludetur occasio aliquid
adjiciendi.

SENECA.

Pr o o e m i u m.

Historiam FENNICE Gentis, fide atque constantia, pariter
ac fortitudine & fatis ab antiquissimis inde temporibus incly-
tæ, præserit antiquiorem, magnis adhuc laborare lacunis,
multamque sollertissimorum virorum ulterius desiderare dis-
quisitionem & industriam, neminem Litteraturæ nostræ vel
paullulum gnatum fugere potest. Studium namque Historicum
præ ceteris Scientiis valde apud nos neglectum, neque post
institutam Academiam ABOENSEM multum crevit, donec quin-
quaginta abhinc annis, opera quorundam meritoru[m] ad idem

A

Athe-

Athenæum Doctorum, qui in Historiam in primis Fennicam illustrandam sedulo incumbebant, majori demum cura coli incipit atque deinde intra fines quoque FENNIAE leteius vigore perrexit. Nec eo secius Historia Generalis Fennica, quæ non minus originem, fata & res gestas Majorum nostrorum, politicasque Gentis & Terræ mutationes suo ordine nexuque causarum & eventuum servato expositas traderet, quam mores, characterem, œconomiam atque culturam litterariam Populi explicaret, usque ad recentissima tempora in votis tantum existit.

Elegantissimum quidem Patria nostra hand ita pridem nacta est rerum suarum Scriptorem, qui egregia eruditione & industria in iis exponendis versatus est, opusque ¹⁾ ornatissimum, universæ FENNIAE totique Orbi Litterario gratissimum, pri-
mum hujus rei periculum, summa cum laude concinnavit. Sed præterquam quod formam Epitomes induat Historia ista, pa-
tria quoque Auctoris maximam vim in faciem rerum ab eo describendarum habere solet, nam extero ad monumenta &
antiquitates gentis, distantia locorum longius remotæ, aditus vix patet facilis, neque climatis ceterum & situs, commerciorum, morum, legum, religionis, scientiarum & artium educationisque plenam atque accuratam peregrinus Scriptor um-
quam sibi comparare potest notitiam, unde liquide apparet, pragmaticam omnibusque numeris absolutam gentis suæ Hi-
storiam non nisi indigenam civem felici cum successu condere posse.

Nostratum vero præ ceteris Cel. HENRICUS GABRIEL
POR-

¹⁾ *Finland och Dess Invånare af* FRIEDR. RÜHS. *Ifrån Ty-
skan af R — d. 1 — 3 Delen.* Stockholm 1811, 1813. 8:o.

PORTHAN, de Litteratura Fennica longe meritissimus, nihil fere quo penuria monumentorum 2), qua antiquissima præcipue laborat Historia Patriæ quodammodo resarciri atque lux aliqua clarior illi poterat accendi, prætermisit, eoque respectu haud contemnendam insignium diplomatum antiquorum eidem illustrandæ inservientium copiam publici juris fecit, sagacissimisque animadversionibus & notis ubique ditavit. Sed hæc aliæque 3) iis similes collectiones, quamvis futuris rerum Fennicarum criticis atque scriptoribus insigne quidem præbeant adjumentum egregiaque suppeditent adminiculi, non tamen sunt nisi speciales, nec integrum quiddam aut totum præstant, ideoque Historiæ generali contexendæ minime sufficiunt. Multa enim quæ uberiorem lucem desiderare videntur iteratisque eruditorum vigiliis haud sunt indigna, post tantos

A 2

la-

-
- 2) Antiquiora Gentis nostræ monumenta, non minus incendiis sunt deleta, quam invasionibus hostilibus perdita. Funestum in primis erat incendium, quo anno 1439, tempore Episcopi Aboënsis CONRADI BITZ, castrum Custöense casu infelici conflagravit, ubi privilegia & litteras Ecclesiæ aliaque Scripta, nullo umquam redimenda pretio, periisse commemorat PAULUS JUUSTEN in *Chronico Episcoporum Fintlandensium*.
- 3) Thesaurum rerum Historiam & Antiquitates Fennicas spectantium eximum præbent quoque *Novellæ Aboënses* anno 1771 primum editæ & usque ad præsens tempus, brevia tria si exceperis intervalla, mutatis quidem forma & argumento, continuatæ, ubi Biographiæ non paucæ occurruunt meritorum Civium a manibus Doctorum Academiæ Aboënsis pleræque exaratæ.

labores in obscuro restare, lacunasque innumeras supplere, difficultates graves tollere atque monumenta abscondita in lumen proferre, congerere & diligenter examinare prius debere Antiquarios Fennicos, antequam tantum opus, expositionem nimirum universae Historiae Fenniae aggredi contentur, pro certo habemus. Ejusmodi enim fragmentis subsidiisque historicis varii argumenti & generis undique collectis & sollicitate dispositis Historia haecce, si absoluta umquam erit, confici atque ad perfectionem perduci certe debet⁴⁾, quamobrem magnopere laudanda est illorum, qui hac in re operam sicut collocaverint, industria.

Vitas autem illustrium & de Patria, Ecclesia & Litteris bene meritorum civium tales inter collectiones locum haud occupare insimum, atque ad Historiam tum Civilem, tum Ecclesi-

4) Verba æqui harum rerum judicis afferre lubet: "Tanto autem libentius consilio, Apparatum hujusmodi historicum instruendi animum adjecimus, quo magis omnibus fere tabulis subsiditis literæ Fennicae hactenus earuerunt; quæ præterea neque simplicium Annalium serie, multo minus scriptorum egregiorum diligentia ac arte, illustrate habentur. Unde quasi prorsus de novo Historiae nostræ condendæ opus aggrediendum est, materia primum idonea atque firma colligenda, deinde eadem disponenda, tum coaptanda, atque demum ornanda. Quomodo ædificium & solidum & spectiosum, quod popularium respondeat votis, exsurgore tandem poterit?" Cel. PORTHAN in Præfatione Operis egregii: *Sylloge Monumentorum ad illustrandam Historiam Fennicam pertinentium, Dissertationibus Academicis I—XI proposita, Aboæ 1802—1804. 4:o.*

cleristicam & Litterariam illustrandam egregie conferre, negari non potest; nam cum vita rebusque gestis illorum, qui imperiis præfuerunt consiliisve interfuerunt, ipsius gentis frè pissime simul exponuntur facta memorabilia atque vices, quæ intestino regnorum statui aliisque causis politicis non semper debent originem, sed a characteribus facultatibusque eorum, penes quos rerum sicut regimen, quorumque & ævi quoque quo vixerunt, plerumque amplectuntur fata, maxime pendent.

Objicitur quidem nobis, nec forte immerito, incuria & negligentia magnorum virorum, quæ tamen reprehensio in antiquiora magis cadit tempora, quam in recentiora, quibus nomina multorum amore patriæ meritisque præstantium Civium ab æterna oblivionis nocte vindicarunt pii virtutum eorum estimatores. Inter illos vero, qui ad Academiam nostram in hoc biographico Historiarum genere feliciter versati sunt, dissertationibusque Academicis defunctorum celebrarunt laudes FENNORUM, merito numeramus supra nominatum immortalem nostrum PORTHAN 5), Cel. JOANNEM BILMARK 6), & ad hoc

5) Huc referri potest & debet Opus ejus: *Pauli Juusten Canonicon Episcoporum Finlandensium, Annotationibus & Sylloge Monumentorum illustratum, Disputationibusque Academicis LVI propositum. Aboæ 1784 — 1800. 4:o.*

6) Ejus sunt: *Historia Regiæ Academiæ Aboënsis, Dissert. Acad. I — VII. Aboæ 1770 — 1776. 4:o. — Dissert. de Professoribus Reg. Acad. Aboënsis, ab hujus Natalibus pri- mum Designatis, Part I — III, post mortem Authoris Præs. Cel. PORTHAN editæ, Aboæ 1801. 4:o. — Diss. ex- positura Vitam & Merita Thorstani Stahlhandske, Aboæ 1774. 4:o.*

huc viventium viros summis prosequendos laudibus immortalique nominandos veneratione, Reverendissimum JACOBUM TENGSTRÖM 7), Celeberr. JOHANNEM FREDRICUM WALLENIUM 8) & FREDRICUM WILHELMUM PIPPING 9), vestigiaque eorum laudabiliter terentem Percel. JOHANNEM JACOBUM TENGSTRÖM 10), qui omnes Academiæ Auraicæ adhuc sunt decora atque ornamenta.

Tantorum Antesignanorum meritis ac laudibus longe inferior quamvis sim nec ingenio nec viribus cum illis umquam æquiparandus, eorum tamen vestigijs, investigatione rerum Patriam spectantium magnopere delectatus, haud paribus licet
pas-

-
- 7) Duo pretiosissima & insignem in Historiam Fennicam lucem spargentia edidit opera: *Minne öfver Joannes Elai Terserus Theol. Doct. och Biskop i Linköping. Åbo 1795. 8:o — Dissert. Acad. Vitam & Merita M. Isaaci B. Rothovii Episc. q. Aboensis expositura, Part. I — XVIII, Aboæ 1796 — 1813 4:o*, quarum, Autore Rever. in Episcopalem sedem evepto, Part. X — XVI Præs. Max. Rever. FRANC. MICH. FRANZÉN, illo vero in Sveciam migrante, duæ ultimæ, Præside Cel. WALLENIO in lucem prodiere publicam.
 - 8) *Dissert. de Fennis Summos in Philosophia Honores ante conditam Academiam Aboensem adeptis. Part. I — III, Aboæ 1810, 1812. 4:o.*
 - 9) *Dissert. de Bibliothecariis Academiæ Aboensis, Part. I & II, Aboæ 1813. 4:o.*
 - 10) *Dissert. de Viris in Fennia Peritia litterarum Græcarum claris. Part. I — IV, Aboæ 1814, 1815. 4:o.*

passibus, insistere studens, Biographiam Viri de Fennia nostra immortaliter meriti, cuius industriæ fructibus etiamnum post duo fere sæcula fruimur feraque olim fruetur posteritas, illustrissimi Comitis PETRI BRAHE, bujus Magni Ducatus Gubernatoris olim Generalis, nostræque per XXXIV annos Academice Cancellarii vigilantissimi, concinnandam mihi proposui. Digniorem enim vix eligi posse materiem existimavi, quam eorum instaurare memoriam, quos temporum negligentia oblivione obruerit, qui vero cognosci & coli debent a terris, quibus profuerunt atque studia sua viresque dicarunt; materies eo quoque respectu tractatu digna, ut exempla summorum virorum utilissimorumque factorum venturis sæculis adimitandum proposita, alios ad paria tentanda ac perficienda incitent. Hunc vero Comitem inter summos Patriæ nostræ Benefactores jure referendum esse, æquus meritorum atque rerum ab eo gestarum æstimator, facili concedet negotio. Illi namque, post providam Supremi Numinis curam, præcipue adscribendum, quicquid honoris, culturæ atque felicitatis FENNIA nostra, a rudibus initii ad insigne, quo jam gloriari potest, perfectionis fastigium, sæculis procedentibus lente promota, hodie tenet. Neque enim sibi vixit ac suis, sed Patriæ, Ecclesiæ, Camenis, nullique labori, nullis pepercit vigiliis, quando salus Civium aut Commoda Patriæ ejus provocarent industriam. Sub illo tempore, quo munus Gubernatoris Fenniæ ¹¹⁾ administravit, magna intelligentia atque peritia, sæcu-

11) Munere Gubernatoris Generalis Fenniæ bis functus est; primum die 27 Oð. A. 1637 denominatus, Anno 1640 in Sveciam reversus, munere Archidapiferi Regni paullo post ornabatur, deinde A. 1648 d. 29 Aprilis iterum constitutus, Anno 1650 ad Festum Coronationis Reginæ Christinæ Holmiam revocabatur.

sæculum quo vixit longe superantibus, conditionem Fennorum sublevare atque culturam promovere impigne studuit. Itineribus crebris per omnes regiones Fenniæ sedulo factis, notitiam omnium rerum sibi comparavit necessariam, abusus detexit, quibus medelam afferre semper conabatur & in constitutionibus institutisque bonis & salutaribus vestigia præsentia ejus efficacis & fructuose undique cernebantur. Urbes nostræ ab illo aut fundatæ, aut restauratæ & amplificatæ, officinæ institutionis publicæ, artium & litterarum constitutæ, res militaris emendata, justitia restituta, legum vis stabilita, mores rudes emolliti, paroeciæ vastæ in minores d'vise, nova templo exstructa, disciplina ecclesiastica renovata, versio Scripturæ Sacræ in linguam Fennicam procurata, hæc omnia de meritis gloriaque ejus sempiternum reddent testimonium, utque judicium eruditæ Auctoris Fennici 12) afferam: "illo spatio quo Finlandiæ præfuit, tot insignibus meritis Magnum hunc Ducatum sibi devinxit, quot fidem fere omnem exsuperant". — FENNIA eum quidem nasci non vidit, neque Fennica ossa ejus tegit terra, sed peccus erga Fennos vere paternum fovebat, ideoque beneficia ejus, quamdiu litteræ, mores honesti virtutesque intra fines Fenniæ colantur, quamdiu Academia Auraica, opus industrie atque sapientiæ ejus, lucem circa Patriam spargere pergit studiaque scientiarum apud nos

12) Cel. BIIMARK in *Historia Acad. Aboënsis part. VI.*, § pag. 4. — Nervosius de illo disserit Max. Rev. HENRICUS SNELLMAN in *Oratione Panegyrica d. 28 Junii 1811 Svetice habita, Aboæ eod. A. 4:o* § pag. 34: "Om det ges en Finsk man, som känner Grefve Brahes förtjenster, och hör hans namn utan vördnad, så är han en vanslägtad medlem i Fosterlandet, som bevarar detta namn vid sidan af Gustaf Adolphs och Christinas." —

nos florent, grata quoque atque perpetua memoria apud Nationem Fennicam servabuntur, nomenque venerabile Patris Patriæ, quod incolæ unanimes ei dabant, atque felices liberi sub umbris arborum fructiferarum, quas ille plantavit & curavit, quiescentes, segetesque copiosas utilium laborum demetentes, memores gratique discebant, præmium pulcherri-
mum meritorum immortalium, ab ævo nostro futurisque sæ-
culis, illorum generositatí non cedentibus, etiam reportabit —
Omnibus insuper belli ac togæ dotibus, viribus simul &
prudentia ornatus, Comes BRAHE habens imperii, sub mino-
rennitate Reginæ CHRISTINÆ Regisque CAROLI XI, atque
sub absentia Regis CAROLI GUSTAVI, Senatus & Tutorum
Princeps caute tenuit, ad gloriam ac dignitatem Sveciæ sub
hac splendidissima hujus Regni periodo haud parum contri-
buit, ejusque peritiae, æquitati atque fidæ administrationi res-
publica tamquam columnæ firmæ & immotæ innixa, incolu-
mis integraque stetit.

Sed memoria Comitis BRAHE post obitum ejus sensim
obscurata est & fere evanuit, nomenque tantum præconii,
quod præclara meruerant facinora, diu expers fuit, nam vel
livor hominum ejusdem ævi saepè suppressit, vel incuria
posteriorum plerumque negligit laudes virorum, quibus ta-
men salutem omniaque bona sua debent. Recentioribus de-
mum temporibus reservatus fuit honos illius & aliorum ma-
gnorum virorum redivivam suscitandi memoriam. Sic vitam
Comitis BRAHE illustrarunt atque concinnarunt egregii rerum
Svecanarum Antiquarii ANDREAS ANTON. VON STIERNMAN 13),

B

CA

13) *Svenska Landmarskalkars Historia*, uti CARL CHRISTO-
PHER GJÖRWELLS *Svenska Bibliothek*, 3 Delen, Stockholm
1759. 4:o.

CAROLUS REGINALDUS BERCH 14), L. B. JOHANNES ADAMUS REHBINDER 15), atque CAROLUS GUSTAVUS NORDIN 16), ut ceteros 17), qui aut breviter fata ejus commemorarunt aut in

- 14) *Namnunnige Svenska Herrars och Fruers Skåde-Pennin-
gar afritade och i koppar stuckne, med bifogade Lefver-
nes-Beskrifningar, 1 — 3 Flocken, Stockholm 1777 — 1781. 4:o.*
- 15) *Biographisk, Historisk och Genealogisk Beskrifning öf-
ver Svenska Landmarskalkar. Stockholm 1784. 8:o.*
- 16) *Minne af Riks Drotset Herr PER BRAHE den Yngre,
Grefve till Visingsborg, uti Svenska Akademiens Hand-
lingar ifrån år 1796, 5 Delen, Stockholm 1813. 8:o —
Vitam suam Comes ipse quoque descripsit, e typis nuper
editam sub titulo: *Svea Rikes Drotset Grefve PER BRA-
HES Tänhebok, efter dess i Skoklosters Bibliothek förvar-
rade originala handskrift, genom Hans Exellens En af
Rikets Herrar Herr Grefve M. Brahes föranstaltande,
ntgifven af D. Krutmejer. Stockholm 1806. 8:o.**
- 17) *Vitam ejus brevissime exposuerunt JOHANNES BILMARK
in Historia Acad. Aboënsis, ERICUS LENQUIST in No-
vellis Aboënsibus anni 1773 Minne af Finlands Drottar,
PITRUS KALM in Programmate die 28 Martii 1773 Aboë
edito, ubi Cancellarios Academiæ Aboënsis enumerat,
GEORGII GEZELIUS in Libro: *Försök til et Biographiskt
Lexicon öfver Namnunnige och Lärde Svenske Män. 1 — 3
Delen, Stockholm, Upsala och Åbo 1778 — 1780. 8:o.* — Oc-
currunt præterea: *De illustrissima BRAHEORUM Prosapia,
ut vetustate ita virtutum magnis exemplis inde ab Ethni-
cismo & etiamnum valde conspicua & inclita, Sermo Pa-**

in aliis operibus mentionem ejus aut rerum eum tangentium fecerunt. Historiæ præterea Regum Populique Svecani, tempora quibus vivere ei contigit describentes, insignem in vitam ejus lucem effundunt, quoniam negotiorum illo ævo peractorum magnas utique sustinuit partes. Horum vero operum Auctores fere omnes, quos in præsenti vita conscribenda adire nobis licuit, plurima facta Comitis nostri & præsertim res ejus in FENNIA gestas, leviori tantum tetigerunt penicillo; nonnulla etiam ab iis non animadversa aut faltem omissa, sed digna tamen quæ ab obliuione vindicentur. Hæc mecum reputans, ac viii summi in dilectam Patriam immortalia merita admirabundus respiciens, memoriamque ejus a nobis, quibus maxime benefecit, ignorari & parvi aestimari dolens, arduum quidem sed non omnis laudis expers, vitam ejus exponendam locoque Speciminis Academicis edendam suscipere, duxi officium. Monumentum namque illi in FENNIA exstrui, qui tot monumenta numquam moritura in Fennorum commodium erexit, laudesque quas illorum saluti inserviendo sibi peperit, a Fennicis etiam celebrari vocibus, æquum censui. Res vero FENNIA spectantes aliquanto copiosius tra-

B 2

etare,

negyricus, quo velut speculo, uno pene intuitu, non pauca coelo soloque grata nomina divina unque virtutum stupenda simulacra conspicere licet, in spectabili & ampio plurimorum Ordinum coetu habitus a SAMUELE GYLDENSTÅLPE, Politices & Historiarum Professionem publicam in Celeberrima Regia Aboensi Academia, dispensante S:a R:a M:e, suscipiente Anno 1671. Aboæ excusus a Petro Hansonio Fol. — JOHANNIS CHRISTOPHORI FRITZ Muemosynon aternitatis, nominibus illustrissimorum Comitum PETRI BRAHE Senatoris & Drotzeti Regii, ut et PETRI CAROLE BRAHE, pia & subiecta manu positum, Holmiae 1685. Fol.

stante, quoniam hæ in primis gloriam ejus cumularunt atque Historiam Fennicam istorum temporum simul valde illustrarunt, in animo nobis est. Laudes autem ejus ita exponere studebo, ut etiam ea non reticeantur, quæ splendorem virtutum ejus maximarum fortassis aliquantulum obscurant, nescivisque, qui passim in vita ejus occurserint, a partium studiis prorsus alienus ingenue commemoraturus sum, communem hanc esse sortem mortalium, quam Poëta egregie exprimit:

"Vitiis nemo sine nascitur; optimus ille,
Qui minimis urgetui",

bene memor. Te denique tuamque humanitatem, Candide Lector! omni qua juvenem hoc in stadio inexperium oportet modestia iterum iterumque rogo, velis veniam defectuum imbecillitatí virium & juvenilibus benigne largiri annis, meque pretio atque jucunditatí materiae, quum hoc aggredi opus auderem, plusquam fiduciae ingenii, indulsisse recorderis.

PETRUS BRAHE Junior 18), Comes de Visingsborg 19). Liber Baro

18) Ut discernatur ab Avo suo Comite PETRO BRAHE Seniori, qui natus A. 1520, denatus A. 1590, munere Archidapiferi quoque functus est. In Coronatione R. Eri- ci XIV A. 1561 primus Comes factus, Comes in Öregrund salutatus est (Confr. *Olof von Daln Svea Rikes Historia, 3 Delen, 2 Bandet, Stockholm 1760 och 1761 4:o et pag. 531.*), qui titulus cum illo in Visingsborg paullo post consummatus est.

19) Nomen Comitatus hicce gessit ab Arce insulæ amoenissimæ Visingiæ, in lacu Smoldaniæ celebri Wettern sitæ.

Baro de Cajana 20), Dominus de Rydboholm, Lindholmen 21),
Bra.

Amplitudinem ejus commemorat von DALIN loc. cit. 3
Del. 2 Bandet p. 6; sequentibus verbis: *Detta Grefskap*
fick samma natur och friheter som det Sturiska; det bestod
af Wisingö och Grenna sockn i Wista — Härad i Små-
land: i Wästergötländ ägde det Hagebo sockn i War-
tofta härad: Skieplanda sockn och Alfums sätegård, Gam-
telösa med S. Peders, Stärkers, Skedevi och Killanda sok-
nar i Ale härad, samt Gudhems klostrets landboer, neral.
Kjärrs rättarelag i Wings sockn, Fornebo rättarelag i
Tvåredts sockn, Gingrinas rättarelag i Gingrinas sockn i
Ås Härad, Kinnevi sockn i Frökins Härad, Örby rättare-
lag i Örby sockn, Åsaka rättarelag på Källand, Kallsö
sockn i Wetle Härad och Häred sockn i Wärmland. —
Crevit adhuc postea sub imperio Reginæ CHRISTINÆ &
sub minorenitate Regis CAROLI XI ita, ut tandem, præ-
ter novem Paroecias in Smolandia & Ostrogothia, totum
territorium Wartofta in Westrogothia 43 Paroecias conti-
nens illic pertineret. Confer SAM. ROGBERG. *Beskrifning*
om Småland, pag. 785.

- 20) Arx & Paroeciæ Cajana (cui Paldamo & Soikamo tum
subjacebant), Idensalmi, Cuopio & Pjelisjärv, Comiti
nostro a Regina CHRISTINA, sub Baronatus titulo Anno
1650 donabantur. Confr. *Novell. Aboins. A. 1771* pag. 137. —
Paroeciam Salo, ubi urbem suo nomine vocatam Brahe-
stad condidit, paullo post sibi emebat.
- 21) Rydboholm & Lindholmen ampla & celebria prædia,
in Provincia Uplandia sita sunt. In hoc glorios. memo-
riæ Rex GUSTAVUS PRIMUS die 12 Maii 1490 iu lucem

Brahelinna 22) & Bogesund 23), Regni Sveciae Archidapifer & Senator, Supremi Dicasterii Regii Holmensis Praeses, Generalis Gubernator Fenniae, Alandiae atque Ostrobothniae, Academiæ Aboënsis Cancellarius, atque Westmanniae, Montanorum Dalecarliæque Legifer, lucem in villa paterna Rydholm Anno 1602 die Februarii adspexit 24). Ex illustrissima atque antiquissima BRAHEORUM tam in Svecia quam in Dania per

editus est, illud vero Sturianæ primum, deinde Vasæ Stirpis possessio, per MARGARETAM VASE, sororem R. GUSTAVI, Regni Senatori ac Equiti JOACHIMO BRAHE proavo Comitis nostri nuptam, Braheæ cessit Familiae & hodie a Regni Svec. Optimate Com. MAGNO BRAHE possidetur.

22) ARX a Comite PETRO BRAHE Anno 1640 ad templum Paroeciæ Christinæ in Savolaxia exstruða, nunc vero vetustate penitus collapsa. Confundi non debet cum villa Brahelena, nunc Konglena in Westrogothia, ubi utpote in Comitatu suo sita urbem ædificare cogitaverat Comes.

23) Hoc prædium Equestre in Paroecia Uplandiæ Ryd jacet; urbs vero Bogesund, Comitatus olim Familiae Stenbockianæ, cuius nomen in Comitiis Anni 1741 in memoriam Reginæ ULRICÆ ELEONORÆ in Ulricehamn mutatum est, in Provincia Westrogothia sita.

24) SVENO WETTER in *Oratione de Laudibus & Encomiis inclytæ insule Visingianæ*, nec non ejusdem lacus Wetter, Aboæ 1683 4:o & pag. 10, eum natum fuisse anno 1603 perperam contendit, quum in anno 1602 omnes reliqui consentiant Auctores.

per plurima sæcula florente Familia 25), Regibus quoque Septentrionis cognationis vinculo sæpenumero annexa 26), suam ducens Originem, Patrem habuit Comitem ABRAHAMUM BRAHE, Regni Sveciæ Senatorem, Westmanniæ Montanorumque Legiferum atque Cancellarium Regiæ Academiæ Upsaliensis.

25) Originem, Genealogiam Fataque Familiæ hujus nobilissimæ, sedem primariam in Palatio Equestri Sveciæ tenentis, ad calcem operis fusius tradere conabimur. — OLAUS RUDBECK in Atlanticæ parte tertia & pag. 481 hanc antiquam Stirpem nomen suum a Svetico vocabulo Brah Man, Latin. Vir, qui ceteros virtutibus & factis superat, accepisse putat. — SAXO de Heroë quodam cognomento BRAHI quidem narrat, eum pugnæ jam interfuisse Bråwallensi Anno Chr. 740 habitæ, ubi a partibus Regis SIGURDI RING, contra Patruelem ejus Regem HARALDUM HILDEFAND steterit, sed an inter proavos Comitum BRAHE numerandus sit, jure dubitari potest. — Consultantur de cetero JOHANNIS ÖRNEVINGE Genealogia Brahea, Holmiae 1647 Fol., Imagines illustrissimæ Familiæ Braheæ, Visingsburgi 1673 Fol. atque SAM. LÖNBOMS Anerdoter om namnkunnige och märkvärdiga Svenska Män, 3 Bandet, 3 Stycket Stockholm 1775 8:o.

26) Ex gr. ANDREAS DE MOHAMMAR Regni Senator, Stirpisque in Svecia verus Sator, circa Annum 1138 vivens agnatione mascula affinis fuit Regi, Sveciæ SVERKERO II CAROLI Filio. Confr. Genealogiam Örnevinge atque Lönboms Anerdoter loc. cit. — Avus nostri Comes PETRUS BRAHE Senior Sororis quoque Filius erat Regis GUSTAVI Primi, a Regni Senatore JOACHIMO BRAHE & MARGARETA VASE prognatus.

ensis 27), Matrem vero ELISABETHAM GYLLENSTIerna, NICOLAI GYLLENSTIerna Liberi Baronis de Lundholm & Fogelwik, Regni Svecie Archidapiferi & Senatoris Filiam, non minori virtutum dotiumque, quam generis, nobilitate commendabilem. Die 27 Junii, magno natalitiorum apparatu, sacro initiatus est baptismate, cui Dux Sudermanniae CAROLUS una cum Conjuge celsissima per delegatos, testes intererant 28).

Ætas

- 27) Eum inter Cancellarios Reg. Acad. Upsaliensis jure referendum esse, probat PETR. L. ÅARRHENIUS pag. 73 § 74 in *Histor. Acad. Ups. parte III Holniæ 1755*, cui consentit CAR. GUST. NORDIN loc. cit. pag. 239. — Ipse de hac re sic prodit: *1607 die i Aprili sände Professores til mig och lätte spörje mig om jag ville vara deras Förmän i Academien*; Vide *Gref Abrah. Brahes Tidebok ifrån 1594 till 1629 i Lönboms Anecdoter, 3 Bandet.* — Errat igitur JONAS HALLENBERG in *Svea Rikes Historia under K. Gustaf Adolph den Stores Regering, 1—5 Bandet, Stockholm 1790—1796 8:o*, qui in Volumine quinto & pag. 165 eum non nisi fortuito hoc administrasse munus contendit, Senatoremque Regni L. B. JOHANN. M. SKYtte pri-
mum vocat *Cancellarium*.
- 28) Ducem NICOLAUS BJELKE, Conjugem vero FRANCISCUS WACKERBART repræsentabant. — Dilatio hujus actus solennis, partim splendori apparatus, quo natales primogeniti Filii celebrare vellent Parentes, partim absentia Patris, qui die 3 Martii Legatus ad fines Regni, ubi cum Legatis Daniæ de rebus magni momenti ageret, missus, non antequam die 24 April domum redibat, adscribenda est. Confr. *Abraham Brahes Tidebok*, loc. cit. pag. 143—146.